

四庫全書薈要

• 乾隆御覽本

史部

欽定四庫全書薈要

史部
史記卷六



詳校官主事銜臣徐以坤

欽定四庫全書薈要卷三千五百八十四

史部

史記卷六

漢 太 史 令司馬遷 撰

宋 中 郎外兵曹參軍裴 駟集解

唐 國子博士弘文館學士司馬貞索隱

唐 諸王侍讀率府長史張守節正義

秦始皇本紀第六

秦始皇帝者秦莊襄王子也

索隱莊襄王者孝文王之中子昭襄王之孫也名子



楚按戰國策本名子異後為華陽夫人嗣夫人楚人因改名子楚也莊襄王為秦質子於

趙正義質音致國彊欲待弱之來相事故遣子及貴臣為質如上音國弱懼其侵伐令子及貴臣往為質音

直實反又二國穀亦為交質音致左傳云周鄭交質王子狐為質於鄭鄭公子忽為質於周是也見呂

不韋姬悅而取之索隱按不韋傳云不韋陽翟大賈也其姬邯鄲豪家女善歌舞有娠而獻

於子楚生始皇以秦昭王四十八年正月生於邯鄲及生

名為政姓趙氏集解徐廣曰一作正宋忠云以正月旦生故名正索隱系本作政又生於趙故

曰趙政一曰秦與趙同祖以趙城為榮故姓趙氏正義正音政周正建子之正也始皇以正月旦生於趙因為

政後以始皇年十三歲莊襄王死政代立為秦王當是諱故音征

之時秦地已并巴蜀漢中越宛有郢置南郡矣北收上
郡以東有河東太原上黨郡東至滎陽滅二周置三川
郡呂不韋為相封十萬戶號曰文信侯招致賓客游士

欲以并天下李斯為舍人

集解文穎曰主廡內小吏官名或曰侍從賓客謂之舍人

也蒙驁王齕麇公等為將軍

集解徐廣曰齕一作齕應劭曰麇秦邑索隱蒙驁齊

人蒙武之父蒙恬之祖王齕即王齕昭王二十九年代
大夫陵伐趙者麇公蓋麇邑公史失其姓名正義齕魚
綺反劉伯莊云音綺後同麇彼苗
反蓋秦之縣邑大夫稱公若楚制王年少初即位委國

事大臣晉陽反

元年將軍蒙騫擊定之

二年麀公將卒攻卷

正義將子匝反卒子必反卷丘員反

斬首三萬

三年蒙騫攻韓取十三城王齮死十月將軍蒙騫攻魏

氏暘有詭

集解徐廣曰暘音場索隱音暢魏之邑名

歲大饑

四年拔暘有詭三月軍罷秦質子歸自趙趙太子出歸

國十月庚寅蝗蟲從東方來蔽天天下疫百姓內粟千

石拜爵一級

五年將軍騫攻魏定酸棗

集解駸案地理志陳留有酸棗縣正義括地志云酸棗故

城在滑州酸棗縣北十五里古酸棗縣南

燕虛長平

集解徐廣曰一作千駟案地理志汝南有長平

縣也索隱三邑名春秋桓十二年會于虛又戰國策曰拔燕酸棗虛桃人桃人亦魏邑虛地今闕蓋與諸縣相

近按今東郡燕縣東三十里有故桃城則亦非遠正義燕烏田反括地志云南燕城古燕國也滑州胙城縣是

也姚虛在濮州雷澤縣東十三里孝經援神契云帝舜生於姚墟即東郡也長平故城在陳州宛丘縣西六十

里**雍丘山陽城**

集解駰案地理志陳留有雍丘縣河內有山陽縣正義雍於用反汴州縣皆

拔之取二十城初置東郡冬雷

六年韓魏趙衛楚共擊秦取壽陵

正義徐廣云在常山按本趙邑也秦

出兵五國兵罷拔衛迫東郡其君角率其支屬徙居野

王阻其山以保魏之河內

七年彗星先出東方見北方五月見西方

正義彗音似歲反見並音

行練反孝經內記云彗出北斗兵大起彗在三台臣害君彗在大微君害臣彗在天獄諸侯作亂所指其處大

惡彗在日旁子欲殺父

將軍驍死以攻龍孤慶都

集解徐廣曰慶一作應正義括

地志云定州恒陽縣西南四十里有白龍水又有挾龍山又定州唐縣東北五十四里有孤山蓋都山也帝王

紀云望堯母慶都所居張晏云堯山在北堯母慶都山在南相去五十里北登堯山南望慶都山也注水經云

望都故城東有山不連陵名之曰孤孤都聲相近疑即都山孤山及望都故城三處相近

還兵攻汲

彗星復見西方十六日夏太后死

索隱莊襄王所生母正義子楚母也

八年王弟長安君成蟜

正義蟜音紀兆反成蟜者長安君名也號為長安君將軍

擊趙反

正義將如字將猶領也又子匠反

死屯留

正義括地志云屯留故城在潞州長子縣

東北三十里漢屯留吁國也

軍吏皆斬死遷其民於臨洮

正義臨洮水故名臨

洮洮州在隴右去京千五百五十一里言屯留之民被成蟜畧衆共反故遷之於臨洮郡

將軍壁死

正義壁遙覓反言成蟜自殺壁壘之內

卒屯留蒲鶮反戮其屍

集解徐廣曰鶮一作

鶮屯留蒲鶮皆地名也壁於此地時士卒死者皆戮其屍索隱臨洮在隴西高誘云屯留上黨之縣名謂成蟜

為將軍而反秦兵擊之而蟜壁于屯留而死屯留蒲鶮二邑之反卒雖死猶皆戮其屍鶮古鶮字正義卒子忽

反鶮音高注同蒲鶮皆地名

河魚大上

索隱謂河水溢魚大上平地亦言遭水害也即漢書五行

志劉向所謂魚蟲之孽明年嫪毐誅魚陰類小人象正義始皇八年黃河之魚西上入渭渭水也漢書五行

志云魚者陰類臣民之象也十七年滅韓二十六年盡并天下自滅韓至并天下蓋十年矣周本紀云十年數

之紀也天下之所棄不過其紀輕車重馬東就食索隱明關東後屬秦其象類先見也

魚大上秦人皆輕車重馬並就食于東言往河旁食魚也一云河魚大上為災人遂東就食皆輕車重馬而去

嫪毐正義上躬虬反下酷改反封為長信侯予之山陽地正義予音與括地志

云山陽故城在懷州修武縣西北太行山東南令毐居之索隱嫪姓毐字按漢書嫪氏出邯鄲王劭

云賈侍中說秦始皇母予嫪毐淫坐誅故世人罵淫曰嫪毐也宮室車馬衣服苑囿馳

獵恣毐事無大小皆決於毐又以河西集解徐廣曰大河一作汾大

原郡更為毒國

九年彗星見或竟天攻魏垣蒲陽

正義垣作垣垣音袁括地志云故垣城漢

縣治本魏王垣也在絳州垣縣西北二十里蒲邑故城在隰州縣北四十五里在蒲水之北故言蒲陽即晉公

子重耳所居邑也

四月上宿雍

集解蔡邕曰上者尊位所在也駟案司馬遷記事當言帝則依

違但言上不敢嫌言尊尊之意也

已酉王冠帶劔

集解徐廣曰年二十正義冠音灌禮記

云年二十而冠按年二十一也

長信侯毒作亂而覺矯王御璽

集解蔡邕曰御

者進也凡衣服加於身飲食入於口妃妾接于寢皆曰御御之親愛者曰幸璽者印信也天子璽白玉螭虎鈕古者尊卑共之月令曰固封璽左傳曰季武子璽書追而與之此諸侯大夫印稱璽也衛宏曰秦以前民皆以

金玉為印龍虎鈕唯其所好秦以來天子獨以印稱璽又獨以玉羣臣莫敢用正義崔浩云李斯磨和璧作之漢諸帝世傳服之謂傳國璽韋曜吳書云璽方四寸上勾交五龍文曰受命于天既壽永昌漢書云文曰昊天舜逼太后取璽王太后怒投地其角小缺吳志云孫堅之命皇帝壽昌按二文不同漢書元后傳云王莽令王入洛埽除漢陵廟軍于甄官井得璽後歸魏晉懷帝永嘉五年六月帝蒙塵平陽璽入前趙劉聰至東晉成帝咸和四年石勒滅前趙得璽穆帝永和八年石勒為慕容俊滅濮陽太守戴施入鄴得璽使何融送晉傳宋宋傳南齊南齊傳梁梁傳至天正二年侯景破梁至廣陵北齊將辛術定廣陵得璽送北齊至周建德六年正月平北齊璽入周周及太后璽以發縣卒及衛卒官騎戎傳隋隋傳唐也

翟君公舍人將欲攻斬年宮為亂

集解駟案地理志斬年宮在雍正義斬巨

衣反括地志云斬年宮在岐州城西故城內

王知之令相國昌平君昌文君

發卒攻毒

索隱昌平君楚之公子立以為相後徙於郢項燕立為荆王史失其名昌文君名亦不知

也

戰咸陽

正義括地志云咸陽故城亦名渭城在雍州北五里今咸陽縣東十五里秦孝公已下並

都此城始皇鑄金人十二於咸陽即此也

斬首數百皆拜爵及宦者皆在戰

中亦拜爵一級毒等敗走即令國中有生得毒賜錢百

萬殺之五十萬盡得毒等衛尉竭

集解駢案漢書百官表曰衛尉秦官

史肆佐弋竭

集解駢案漢書百官表曰秦時少府有佐弋漢武帝改為伏飛掌弋射者

中大

夫令齊等

正義令力政反中大夫令秦官也齊名也

二十人皆梟首

集解駢案縣首

於木上

車裂以徇滅其宗

正義說苑云秦始皇太后不謹幸即嫪毐始皇取毐四支

車裂之取兩弟撲殺之取太后遷之咸陽宮下令曰以太后事諫者戮而殺之蒺藜其脊諫而死者二十七人茅焦乃上說曰齊客茅焦願以太后事諫皇帝曰走告若不見闕下積死人耶使者問焦焦曰陛下車裂假父有嫉妬之心囊撲兩弟有不慈之名遷母咸陽有不孝之行蒺藜諫士有桀紂之治天下聞之盡瓦解無向秦者王乃自迎太后歸咸陽立茅焦為傅又爵之上卿括地志云茅焦滄州人也

及其舍人輕者

為鬼薪

集解應劭曰取薪給宗廟為鬼薪也如淳曰律說鬼薪作三歲正義言毒舍人罪重者已刑戮

輕者罰徒役三歲

及奪爵遷蜀四千餘家家房陵

正義括地志云房陵即今

房州房陵縣古楚漢中郡地也是巴蜀之境地理志云房陵縣屬漢中郡在益州部接東南一千三百一十里

也

四月寒凍有死者

正義四月建巳之月孟夏寒凍民有死者以秦法酷急則天應之而

史書之故尚書洪範云急常寒若孔注云君行急則常寒順之楊端和攻衍氏

索隱端和秦將

衍氏魏邑正義衍羊善反在鄭州

彗星見西方又見北方從斗以南八

十日

十年

集解徐廣曰甲子

相國呂不韋坐嫪毐免桓齮為將軍齊

趙來置酒齊人茅焦說秦王曰秦方以天下為事而大

王有遷母太后之名恐諸侯聞之由此倍秦也秦王乃

迎太后於雍而入咸陽

集解駟案說苑曰始皇帝立茅焦為傅又爵之上卿太后大喜

曰天下亢直使敗復成安秦社稷使妾母子復相見者茅君之力也復居甘泉宮

集解徐廣曰表

云咸陽南宮也

大索逐客李斯上書說乃止逐客令李斯因說

秦王請先取韓以恐他國於是使斯下韓韓王患之與韓非謀弱秦大梁人尉繚來說秦王曰以秦之彊諸侯譬如郡縣之君臣但恐諸侯合從翕而出不意此乃智伯夫差湣王之所以亡也願大王毋愛財物賂其豪臣以亂其謀不過亡三十萬金則諸侯可盡秦王從其計見尉繚亢禮衣服食飲與繚同繚曰秦王為人蜂準

集解

徐廣曰蜂一作隆正義蜂字逢反準章允反蜂蠆也高鼻也文穎曰準鼻也

長目摯鳥膺

正義

摯鳥膺突向前其性悍勇

豺聲少恩而虎狼心居約易出人下

正義

易以鼓反言始皇居儉約之時易以謙卑得志亦輕食人

正義言始皇得天下之志亦輕易而

啖食於人

我布衣然見我常身自下我誠使秦王得志於天

下天下皆為虜矣不可與久游乃亡去秦王覺固止以

為秦國尉

正義若漢太尉大將軍之比也

卒用其計策而李斯用事

十一年王翦桓齮楊端和攻鄴取九城王翦攻闕與櫟

楊

集解徐廣曰櫟音老在并州正義漢表在清河十三州志云櫟陽上黨西北百八十里也

皆并為

一軍翦將十八日軍歸斗食以下

集解駟案漢書百官表曰百石以下有斗

食佐史之秩正義

一日得斗粟為科什推二人從軍

索隱言王翦為將軍中皆歸斗食以下無

功佐史什中唯擇

二人令從軍耳取鄴安陽桓齮將

十二年文信侯不韋死竊葬

索隱按不韋飲鴆死其賓客數千人竊共葬於洛陽

北芒

其舍人臨者晉人也逐出之

正義臨力禁反臨哭也若是三晉之人逐

出令

秦人六百石以上奪爵遷

正義上音時掌反若是秦人哭臨者奪其官爵

遷移於

房陵五百石以下不臨遷勿奪爵

正義若是秦人不哭臨不韋者不奪

官爵亦遷

自今以來操國事不道如嫪毐不韋者籍其

門視此

集解徐廣曰門一作文索隱謂籍沒其一門皆為徒隸後並視此為常正義籍錄其子孫禁不

得仕

秋復嫪毐舍人遷蜀者當是之時天下大旱六月

至八月乃雨

十三年桓齮攻趙平陽

正義括地志云平陽故城在相州臨漳縣西二十五里又云平

陽戰國時屬韓後屬趙

殺趙將扈輒

正義扈音戶輒張獵反趙之將軍

斬首十萬

王之河南正月彗星見東方十月桓齮攻趙

十四年攻趙軍於平陽取宜安

正義括地志云宜安故城在常州豪城縣西南

二十五里也

破之殺其將軍桓齮定平陽武城

正義即貝州武城縣外城

是也七國時趙邑

韓非使秦秦用李斯謀留非非死雲陽

正義括地

志云雲陽城在雍州雲陽縣西

韓王請為臣

十五年大興兵一軍至鄴一軍至太原取狼孟

集解駢案地理

志太原有狼孟縣地動

十六年九月發卒受地韓南陽假守

正義假格雅反守音狩

騰初

令男子書年魏獻地於秦秦置麗邑

正義麗力知反括地志云雍州新豐

縣本周時驪戎邑左傳云晉獻公伐驪戎杜注云在京兆新豐縣其後秦滅之以為邑

十七年內使騰攻韓得韓王安盡納其地

正義韓王安之九年秦盡

滅之以其地為郡命曰潁川地動華陽太后卒民大飢

十八年

集解徐廣曰巴郡出大
人長二十五丈六尺

大興兵攻趙王翦將上

地

正義上郡上縣
今綏州等是也

下井陘

集解服虔曰山名在
常山今為縣音刑

端和將

河內羌羗伐趙端和圍邯鄲城

十九年王翦羌羗

正義胡
罪反

盡定取趙地東陽得趙王

索隱

趙王遷也正義趙幽繆王遷八年秦取趙地
至平陽平陽在貝川歷亭縣界遷王于房陵

引兵欲攻

燕屯中山秦王之邯鄲諸嘗與王生趙時母家有仇怨

皆阮之秦王還從太原上郡歸始皇帝母太后崩趙公

子嘉率其宗數百人之代自立為代王東與燕合兵軍上谷大飢

二十年燕太子丹患秦兵至國恐使荆軻刺秦王秦王覺之體解軻以徇而使王翦辛勝攻燕燕代發兵擊秦軍秦軍破燕易水之西

二十一年王賁

正義音奔

攻薊乃益發卒詣王翦軍遂破燕

太子軍取燕薊城得太子丹之首燕王東收遼東而王之王翦謝病老歸新鄭反昌平君徙於郢大雨雪

正義雨于

遇反 深二尺五寸

二十二年王賁攻魏引河溝灌大梁大梁城壞其王請

降

索隱魏王假也

盡取其地

二十三年秦王復召王翦彊起之使將擊荆

正義秦號楚為荆者

以莊襄王名子楚諱之故言荆也

取陳以南至平輿

集解駟案地理志汝南有平輿縣正

義輿音餘平輿豫州縣也楚淮北之地盡入于秦

虜荆王

索隱荆王負芻也

秦王游至

郢陳荆將項燕立昌平君為荆王反秦於淮南

集解徐廣曰淮

一作江正義昌平也

二十四年王翦蒙武攻荆破荆軍昌平君死項燕遂自殺

二十五年大興兵使王賁將攻燕遼東得燕王喜

正義燕王

喜之五十年燕亡還攻代虜代王嘉王翦遂定荆江南地降越

君

正義降閉江反楚威王已滅其餘自稱君長今降秦

置會稽郡五月天下大酺

集解服虔曰酺音蒲文穎曰酺周禮族師掌春秋祭酺為人物災害之神蘇林曰陳留俗三月上巳水上飲食為酺正義天下歡樂大飲酒也秦既平韓趙魏燕楚五國故天下大酺也

二十六年齊王建與其相后勝

正義音升齊相姓名

發兵守其西

界不通秦秦使將軍王賁從燕南攻齊得齊王建

索隱六國

皆滅也十七年得韓王安十九年得趙王遷二十二年魏王假降二十三年虜荆王負芻二十五年得燕王喜

二十六年得齊王建正義齊王建之三十四年齊國亡

秦初并天下令丞相御史

正義令力政反乃今之赦令赦書

曰異日韓王納地效璽請為藩臣已

而倍約與趙魏合從畔秦故興兵誅之虜其王寡人以

為善庶幾息兵革趙王使其相李牧來約盟故歸其質

子已而倍盟反我太原故興兵誅之得其王趙公子嘉

乃自立為代王故舉兵擊滅之魏王始約服入秦已而

與韓趙謀襲秦秦兵吏誅遂破之荆王獻青陽以西

集解

駟案漢書鄒陽傳曰越水長沙還舟青陽張晏曰青陽地名蘇林曰青陽長沙縣是也

已而畔約

擊我南郡故發兵誅得其王遂定其荆地燕王昏亂其

太子丹乃陰令荆軻為賊兵吏誅滅其國齊王用后勝

計絕秦使欲為亂兵吏誅虜其王平齊地寡人以眇眇

之身興兵誅暴亂賴宗廟之靈六王咸伏其辜天下大

定今名號不更無以稱成功傳後世其議帝號丞相綰

御史大夫劫

集解駟案漢書百官表曰御史大夫秦官應劭曰侍御史之率故稱大夫也索隱綰

姓王劫
姓馮

廷尉斯等

集解駟案漢書百官表曰廷尉秦官應劭曰聽獄必質諸朝廷與衆共之

兵獄同制故稱廷尉

皆曰昔者五帝地方千里其外侯服夷服諸

侯或朝或否天子不能制今陛下

集解蔡邕曰陛下階也所由升堂也天子必

有近臣立於陛側以戒不虞謂之陛下者羣臣與天子言不敢指斥故呼在陛下者與之言因卑達尊之意也

上書亦如之

興義兵誅殘賊平定天下海內為郡縣

正義郡人所羣

聚也法令由一統自上古呂來未嘗有五帝所不及臣等

謹與博士議曰

集解駟案漢書百官表曰博士秦官掌通古今

古有天皇有地

皇有泰皇

索隱按天皇地皇之下即云泰皇當人皇也而封禪書云昔者太帝使素女鼓瑟而悲蓋

三皇已前稱秦皇
一云秦皇太昊也

秦皇最貴臣等昧死上尊號王為秦

皇命為制令為詔

集解蔡邕曰制書帝者制度之命也其文曰制詔詔書詔告正義令音力

政反制詔三代
無文秦始有之

天子自稱曰朕

集解蔡邕曰朕我也古者上下共稱之貴賤不

嫌則可以同號之義也皋陶與舜言朕言惠可底行屈
原曰朕皇考至秦然後天子獨以為稱漢因而不改

王曰去泰

正義去音丘呂反

著皇采上古帝位號號曰皇帝他

如議制曰可

集解蔡邕曰羣臣有所奏請尚書令奏之下有司曰制天子答之曰可

追尊

莊襄王為太上皇

集解駰案漢高祖尊父曰太上皇亦放此也

制曰朕聞太

古有號毋謚中古有號死而以行為謚如此則子議父

臣議君也甚無謂朕弗取焉自今已來除謚法

集解駢案謚法

周公所作朕為始皇帝後世以計數

正義色主反

二世三世至千

萬世傳之無窮始皇推終始五德之傳

集解鄭玄曰音亭傳索隱音張

應反傳次也謂五行之德始終相次也漢書郊祀志曰齊人鄒子之徒論著終始五德之運始皇採用

以

為周得火德秦代周德從所不勝

正義勝申證反秦以周為火德能滅火者

水也故稱從其所不勝于秦

方今水德之始

索隱封禪書曰秦文公獲黑龍以為水瑞秦皇

因自謂為水德也

改年始朝賀

正義周以建子之月為正秦以建亥之月為正故其年始用子

月而朝賀皆自十月朔衣服旌旌節旗皆上黑

正義周禮云析羽為旌熊

虎為旗旄節者編毛為之以象竹節漢書云蘇武執節在匈奴牧羊節毛盡落是也韋昭云節者山國用人節澤國用龍節皆以金為之道路以旌節門闕用符節數都鄙用管節皆用竹為之以水德屬北方故上黑

以六為紀符法冠皆六寸而輿六尺六尺為步乘六馬

集解張晏曰水北方黑終數六故以六寸為符六尺為步瓊曰水數六故以六為名譙周曰步以人足為數非獨秦制然索隱管子司馬法皆云六尺為步譙周以為步以人足非獨秦制又按禮記王制曰古者八尺為步今以周尺六尺四寸為步步之尺數亦不同更名河曰德水以為水德之始

劉毅戾深事皆決於法刻削毋仁恩和義然後合五德

之數

索隱水主陰陰刑殺故急法刻削以合五德之數

於是急法久者不赦丞

相綰等言諸侯初破燕齊荆地遠不為

正義于
偽反

置王毋

以填之請立諸子唯上幸許始皇下其議于羣臣羣臣
皆以為便廷尉李斯議曰周文武所封子弟同姓甚衆
然後屬疏遠相攻擊如仇讎諸侯更相誅伐周天子弗
能禁止今海內賴陛下神靈一統皆為郡縣諸子功臣
以公賦稅重賞賜之甚足易制天下無異意

正義易音
以職反

則安寧之術也置諸侯不便始皇曰天下共苦戰鬪不
休以有侯王賴宗廟天下初定又復立國是樹兵也而

求其寧息豈不難哉廷尉議是分天下以為三十六郡

集解駟案三十六郡者三川河東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右

北平遼西遼東代郡鉅鹿邯鄲上黨太原雲中九原雁門上郡隴西北地漢中巴郡蜀郡黔中長沙凡三十五

與內史為三十六郡正義風俗通云周制天子方千里分為百縣縣有四郡故左傳云上大夫受縣下大夫受

郡秦始皇初置三十六郡以監縣也郡置守尉監集解駟案漢書百官表

丞尉掌佐守典武職甲卒監御史掌監郡更名民曰黔首集解應劭曰黔亦黎黑也

收天下兵集解應劭曰古聚之咸陽銷以為鍾鐻集解徐廣

曰音金人十二重各千石置廷宮中正義漢書五行志云二十六年有大

人長五丈足履六尺皆夷狄服凡十二人見于臨洮故
銷兵器鑄而象之謝承後漢書云銅人翁仲其名也三
輔舊事云聚天下兵器鑄銅人十二各重二十四萬斤
漢世在長樂宮門魏志董卓傳云椎破銅人十及鍾鐻
以鑄小錢關中記云董卓壞銅人餘二枚徙清門裏魏
明帝欲將詣洛載到霸城重不可致後石季龍徙之鄴
苻堅又徙入長安而銷之英雄記云昔大人見臨洮而
銅人鑄至董卓而銅人毀也

一法度衡石

丈尺車同軌書同文字地東至海暨朝鮮

正義暨其記反朝音朝鮮

音仙海謂渤海南至揚蘓台等州之東海也暨及也東北朝鮮國括地志云高麗治平壤城本漢樂浪郡王險

城即古朝鮮也

西至臨洮羌中

正義洮吐高反括地志云臨洮郡即今洮州亦古西羌之地在

京西千五百五十一里羌中從臨洮西

南至北嚮戶

集解

駟案吳都賦曰開北戶以向日劉逵曰日南之北戶猶日北之南戶也

北據河為塞並陰

山至遼東

集解駟案地理志西河有陰山縣正義塞先代反並白浪反謂靈夏勝等州之北黃河陰

山在朔州北塞外從河傍陰山東至遼東築長城為北界

徙天下豪富於咸陽十二

萬戶諸廟及章臺上林皆在渭南秦每破諸侯寫放其

宮室作之咸陽北阪上

集解徐廣曰在長安西北漢武時別名渭城正義今咸陽縣北

阪上南臨渭自雍門

集解徐廣曰在高陵縣正義今岐州雍縣東

以東至涇渭

殿屋複道周閣相屬

正義複音福屬之欲反廟記云北至九變甘泉南至長楊五柞東至

河西至汧渭之交東西八百里離宮別館相望屬也木衣緋繡土被朱紫宮人不徙窮年忘歸猶不能遍也

所得諸侯美人鐘鼓以充入之

正義三輔舊事云始皇表河以為秦東門表汧

以為秦西門表中外殿觀百四十
五後宮列女萬餘人氣上衝于天

二十七年始皇巡隴西

正義隴西今隴右

北地

正義今寧州也

出雞頭

山

正義括地志云雞頭山在成州上祿縣東北二十里
在京西南九百六十里鄠元云蓋大隴山異名也後

漢書隗囂傳云王孟塞雞頭即此也按原州平高縣西
百里亦有笄頭山在京西北八百里黃帝雞山之所

過回中焉

集解應劭曰回中在安定高平孟康曰回中
在北地正義括地志云回中宮在雍州西四

十里言始皇欲西巡隴西之北從咸陽向西北出寧
州西南行至成州出雞頭山東還過岐州回中宮

作

信宮渭南已更命信宮為極廟象天極

索隱為宮廟象
天極故曰極廟

天官書曰中宮曰天極是也

自極廟道通酈山作甘泉前殿築甬道

集解應劭曰築垣牆如街巷正義築音竹角音勇應劭曰謂于馳道外築牆天子於中行外人不見

自咸

陽屬之是歲賜爵一級治馳道

集解應劭曰馳道天子道也道若今之中道然

漢書賈山傳曰秦為馳道于天下東窮燕齊南極吳楚江湖之上濱海之觀畢至道廣五十步三丈而樹厚築其外隱以金椎樹以青松

二十八年始皇東行郡縣上鄒嶧山

集解韋昭曰鄒魯縣山在其北正義

上時掌反鄒側留反嶧音亦國系云邾嶧山亦名鄒山在兗州鄒縣南三十二里魯穆公改邾作鄒其山遂從邑變山北去黃河三百餘里立石與魯諸儒生議刻石頌秦德議封

禪望祭山川之事

正義晉太康地記云為壇于泰山以祭天示增高也為壇於梁父以祭地

示增高也祭尚玄酒而俎魚殽皆廣長十二丈壇高三尺階三等而樹石太山之上高三丈一尺廣三尺秦之

刻石

乃遂上泰山

正義泰山一曰岱宗東嶽也在兗州博城縣西北三十里山海經云泰山

其上多玉其下多石郭璞云從泰山下至山頭百四十八里三百步道書福地記云泰山高四千九百丈二尺周迴二千里多芝草玉石長津甘泉仙人室又有地獄六曰鬼神之府從西上下有洞天周迴三千里鬼神考

讎之

立石封祠祀

集解服虔曰增天之高歸功于天張晏曰天高不可及於泰山上立封禪

而祭之冀近神靈也瓚曰積土為壇而祭之下風雨暴至休於樹

下因封其樹為五大夫

正義封一作復音福

禪梁父

集解服虔曰禪闡廣土地

也。瓚曰：古者聖王封泰山，禪亭亭，或梁父，皆泰山下小山。除地為壇，祭于梁父。後改壇曰禪。正義：父音甫，在兗州泗水縣北八十里。刻所立石，其辭曰：皇帝臨位，作制明法，臣下

修飭

索隱：此泰山刻石銘，其詞每三句為韻。凡十二韻，下之。宋碣石會稽三銘皆然。正義：飭音勅。

二

十有六年，初并天下，罔不賓服。親巡遠方，黎民登茲泰

山，周覽東極，從臣思迹。

正義：從音才用反。

本原事業，祇誦功德。

治道運行，諸產得宜，皆有法式。大業休明，垂于後世。順

承勿革，皇帝躬聖，既平天下，不懈於治。夙興夜寐，建設

長利。

正義：長直良反。

專隆教誨，訓經宣達，遠近畢理，咸承聖志。

貴賤分明男女禮順慎遵職事昭隔內外

集解徐廣曰隔一作融

靡不清淨施于後嗣化及無窮遵奉遺詔永承重戒於

是乃並勃海以東

正義金白浪反勃作勃蒲忽反

過黃脰

集解駟案地理志東萊有

黃縣脰縣正義

脰逐瑞反

字或作脰括地志云黃縣故

城在萊州城以東南二十五里古萊子國也牟平縣城

在黃縣南百三十里十三

州志云牟平縣古脰縣也

窮成山登之罘集解駟案地理志之罘山

山在脰縣正義罘音浮括地志云在萊州文登縣東北

百八十里成山在文登縣西北百九十里窮猶登極也

封禪書云八神五曰陽主祠之罘七曰日主祠成山

成山斗入海又云之罘山在海中文登縣古脰縣也

立

石頌秦德焉而去南登琅邪

正義今兗州東沂州

大樂

密州即古琅邪也

之留三月乃徙黔首三萬戶琅邪臺下

集解駟案地理志越王勾踐嘗

治琅邪縣起臺館索隱山海經琅邪臺在渤海間蓋海畔有山形如臺在琅邪故曰琅邪臺正義括地志云密

州諸城縣東南百七十里有琅邪臺越王勾踐觀臺也臺西北十里有琅邪吳越春秋云越王勾踐二十五年

徙都琅邪立觀臺以望東海遂號令秦晉齊楚以尊輔周室歃血盟即勾踐起臺處括地志云琅邪山在密州

諸城縣東南百四十里始皇立層臺于山上謂之琅邪臺孤立衆山之上秦王樂之留三月立石山上頌秦德

復十二歲

正義復音福復三萬戶徙臺下者

作琅邪臺立石刻頌秦德

明德意曰

索隱二句為韻

維二十六年皇帝作始端平法度萬

物之紀以明人事合同父子聖智仁義顯白道理東撫

東土以省卒士

正義省山井反卒子忽反

事已大畢乃臨於海皇帝

之功勤勞本事上農除末黔首是富普天之下搏心揖

志

索隱搏古專字左傳云如琴瑟之搏一揖音集

器械一量

正義內成曰器甲冑兜鍪之屬外成

曰械戈矛弓戟之屬一量者同度量也

同書文字日月所照舟輿所載皆

終其命莫不得意應時動事是維皇帝匡飭異俗陵水

經地

正義陵作凌猶歷也經界也

憂恤黔首朝夕不懈除疑定法咸

知所辟

正義音避

方伯分職諸治經易

正義易音以豉反言方伯分職治所理常

在平

舉錯必當莫不如畫

正義畫音戶卦反謂政理齊整分明若畫無邪惡

皇

帝之明臨察四方尊卑貴賤不踰次行

正義音胡朗反

姦邪不

容皆務貞良細大盡力莫敢怠荒遠邇辟隱

正義音匹亦反

專

務肅莊端直敦忠事業有常皇帝之德存定四極誅亂

除害興利致福節事以時諸產繁殖黔首安寧不用兵

革

正義協韻音棘

六親相保終無寇賊驩欣奉教盡知法式六

合之內皇帝之土西涉流沙

正義解見夏紀

南盡北戶東有東

海北過大夏

索隱協韻音戶下無不臣者音堵澤反牛馬音姥正義杜預云大夏太原晉陽縣按

在今并州遷寔沉於大夏主參即此也

人迹所至無不臣者功蓋五帝澤

及牛馬莫不受德各安其宇維秦王兼有天下立名為

皇帝乃撫東土至於琅邪列侯

集解張晏曰列侯解見序例

武城侯

王離列侯通武侯王賁倫侯

索隱爵卑于列侯無封邑者倫類也亦列侯之類

建成侯趙亥倫侯昌武侯成倫侯武信侯馮毋擇丞相

隗狀

索隱隗姓狀名有本作林者非顏之推云隋開皇初京師穿地得鑄秤權有銘云始皇時量器丞相

隗狀王綰二人列名其作狀貌之字時令校寫親所按驗王劬亦云然斯遠古之證也正義隗音五罪反

丞

相王綰卿李斯卿王戊五大夫趙嬰五大夫楊樛從與

議於海上

正義樛音居虬反從才用反與音預言王離以下十人從始皇咸與始皇議功德于海上

立石于琅邪臺下十人名字並刻頌
此頌前後序兩句為韻此三句為韻曰古之帝者地不

過千里

正義過音戈
千里謂王畿

諸侯各守其封域或朝或否相侵

暴亂殘伐不止猶刻金石以自為紀古之五帝三王知

教不同法度不明假威鬼神

正義言五帝三王假借鬼神
之威以欺服遠方之民若

弘之也以欺遠方實不稱名

正義稱尺證反

故不久長其身未歿

諸侯倍叛法令不行今皇帝并一海內以為郡縣天下

和平昭明宗廟體道行德尊號大成羣臣相與誦皇帝

功德刻于金石以為表經既已齊人徐市等上書言海

中有三神山名曰蓬萊方丈瀛洲

正義漢書郊祀志云此三神山者其傳在

勃海中去人不遠蓋曾有至者諸仙人及不死之藥皆在焉其物禽獸盡白而黃金白銀為宮闕未至望之如雲及至三神山乃居水下臨之患且至風輒引船而去終莫能至云世主莫不甘心焉

僊人居之

請得齋戒與童男女求之於是遣徐市發童男女數千

人入海求僊人

正義括地志云亶州在東海中秦始皇使徐福將童男女入海求僊人止住此

洲共數萬家至今洲上人有至會稽市始皇還過彭城

易者吳人外國圖云亶洲去琅邪萬里正義彭城徐州所理縣也州東外城古之彭國也搜神記云陸終第三子曰鏗封于彭為商伯外傳云殷末

滅彭祖氏齋戒禱祠欲出周鼎泗水使千人没水求之弗得

乃西南渡淮水之衡山

正義括地志云衡山一名岫嶠山在衡州湘潭縣西四十一里

岫音苟

南郡

正義今荊州也言欲向衡山即

浮江至湘

嶠音樓

南郡

西北過南郡入武關至咸陽

山祠

正義括地志云黃陵廟在岳州湘陰縣北五十里舜二妃之神二妃塚在湘陰北一百六十里青

草山上盛弘之荊州記云青草湖南有青草山湖因山名焉列女傳云舜陟方死于蒼梧二妃死于江湘之間

因葬焉按湘山者乃青草山山祠逢大風幾不得渡上問近湘水廟在山南故言湘山祠

博士曰湘君何神博士對曰聞之堯女舜之妻而葬此

索隱列女傳云以湘君為堯女按楚詞九歌有湘君湘夫人夫人是堯女則湘君當是舜今此文以湘君為堯

女是總於是始皇大怒使刑徒三千人皆伐湘山樹赭而

其山上自南郡由武關歸

集解應劭曰武關秦南關通南陽文穎曰武關在析西百

七十里弘農界正義括地志云故武關在商州商洛縣東九十里春秋時少習也杜預云少習商縣武關也

二十九年始皇東游至陽武博狼沙中

集解駟案地理志河南陽武縣

有博狼沙正義狼音浪

為盜所驚求弗得乃令天下大索十日登

之罘刻石其辭曰

索隱三句為韻

維二十九年時在中春

正義中音

仲古者帝王巡狩常以仲月

陽和方起皇帝東游巡登之罘臨照于

海從臣嘉觀

正義從才用反觀音瑄

原念休烈追誦本始大聖作

治建定法度顯著綱紀外教諸侯光施文惠明以義理

六國回辟

正義必亦反

貪戾無厭

正義於廉反

虐殺不已皇帝哀

衆遂發討師奮揚武德義誅信行威燁旁達

集解徐廣曰燁充善

反

莫不賓服烹滅彊暴振救黔首周定四極普施明法

經緯天下永為儀則大矣哉宇縣之中

集解駰案宇宇宙縣赤縣

承

順聖意

索隱協韻音憶

羣臣誦功請刻于石表垂于常式其東

觀曰維二十九年皇帝春游覽省遠方逮於海隅遂登之罘昭臨朝陽觀望廣麗從臣咸念原道至明聖法初興清理疆內外誅暴彊武威旁暢振動四極禽滅六王

闡并天下蓄害絕息永偃戎兵皇帝明德經理宇內視

聽不急

索隱急協旗疑韻急音銅綦反故國語范蠡曰得時不急時不再來亦以急與臺為韻

作

立大義昭設備器咸有章旗職臣遵分各知所行事無

嫌疑黔首改化遠邇同度臨古絕尤常職既定後嗣循

業長承聖治羣臣嘉德祇誦聖烈請刻之罽旋遂之琅

邪道上黨入

索隱道猶從也

三十年無事

三十一年

集解徐廣曰使黔首自實田也

十二月更名臘曰嘉平

集解駉案

太原真人茅盈內紀曰始皇三十一年九月庚子盈曾祖父濛乃于華山之中乘雲駕龍白日升天先是其邑謠歌曰神仙得者茅初成駕龍上升入泰清時下玄洲戲赤城繼世而往在我盈帝名學之臘嘉平始皇聞謠歌而問其故父老具對此仙人之謠歌勸帝求長生之術于是始皇欣然乃有尋仙之志因改臘曰嘉平索隱廣雅曰夏曰清祀殷曰嘉平周曰大蜡亦曰臘秦更曰嘉平蓋應歌謠之詞而改從殷號也道書茅濛字初成今此云茅濛初成者為神仙之道其意失也蓋由裴氏所引不明或後人增益濛字遂令七言之詞有衍爾

賜黔首里六石米二羊始皇為微行咸陽

集解張晏曰若微賤之所

為故曰與武士四人俱夜出逢盜蘭池

集解駉案地理志渭城縣有蘭

池宮正義括地志云蘭池陂即古之蘭池在咸陽縣界秦記云始皇都長安引渭水為池築為蓬瀛刻石為鯨

長二百丈達盜之處也

見窘武士擊殺盜關中大索二十日米石

千六百

三十二年始皇之碣石使燕人盧生求羨門

集解韋昭曰古仙人

高誓

正義亦古仙人

刻碣石門

集解徐廣曰一作盟

壞城郭決通隄防其

辭曰

正義此一頌三句為韻

遂興師旅誅戮無道為逆滅息武殄

暴逆文復無罪

集解徐廣曰復一作優正義復音福言秦以武力能殄息暴逆以文訓道令無

罪失故復除之

庶心咸服惠論功勞賞及牛馬恩肥土域皇帝

奮威德并諸侯初一秦平墮壞城郭

正義墮音許規反壞音怪墮毀也壞

城郭也夫自頽曰壞音戶怪反

決通川防夷去險阻地

勢既定黎庶無繇

正義音遙

天下咸撫男樂其疇女修其業

事各有序惠被諸產久並來田

集解徐廣曰久一作分

莫不安所

羣臣誦烈請刻此石垂著儀矩因使韓終侯公石生求

僊人不死之藥始皇巡北邊從上郡入燕人盧生使

正義

音所

吏反入海還以鬼神事因奏錄圖書曰亡秦者胡也

集解

鄭玄曰胡胡亥秦二世名也秦見圖書不知此為人名反備北胡

始皇乃使將軍蒙恬

發兵三十萬人北擊胡畧取河南地

正義今靈夏勝等州秦畧取之

三十三年發諸嘗逋亡人贅壻賈人畧取陸梁地

集解曰

贅謂居窮有子使就其婦家為贅壻索隱南方之人其性陸梁故曰陸梁正義嶺南之人多處山陸其性強梁

故曰陸梁為桂林

集解韋昭曰今鬱林是也

象郡

集解韋昭曰今日南

南海

正義即廣州南

海以遠遣戍

集解徐廣曰五十萬人守五嶺正義遠音直革反戍守也廣州記云五嶺者大庾始

安臨賀揭陽桂陽興地志云一曰臺嶺亦名塞上今名大庾二曰騎田三曰都龐四曰萌諸五曰越嶺

西

北斥逐匈奴自榆中

集解徐廣曰在金城

並河以東

集解服虔曰並音傍傍依

也屬之陰山

集解徐廣曰在五原北正義五原今勝州也

以為三十四縣城

河上為塞又使蒙恬渡河取高闕

正義山名在五原北兩山相對若闕甚高

故言高關陶山北假中

集解晉灼曰王莽傳云五原北假膏壤殖穀北假地名也索隱高關山名

北假地名近五原正義鄭元注水經云黃河逕河目縣故城西縣在北假中北假地名按河目縣屬勝州今名

河北漢書地理志云屬五原郡

築亭障呂遂戎人徙謫實之初縣索隱

罪而謫之以寔初縣即上自榆中屬陰山以爲三十四縣是也故漢七科謫亦因于秦

禁不得祠

明星出西方

集解徐廣曰皇甫謐云彗星見

三十四年適治獄吏不直者築長城及南越地

正義謂戌五嶺

是南方越地

始皇置酒咸陽宮博士七十人前為壽僕射周

青臣

集解駸案漢書百官表曰僕射秦官古者重武官有主射以督課之應劭曰僕主也射音夜進

頌曰他時秦地不過千里賴陛下神靈明聖平定海內
放逐蠻夷日月所照莫不賓服以諸侯為郡縣人人自
安樂無戰爭之患傳之萬世自上古不及陛下威德始
皇悅博士齊人淳于越進曰臣聞殷周之王千餘歲封
子弟功臣自為枝輔今陛下有海內而子弟為匹夫卒
有田常六卿之臣無輔拂正義蒲筆反何以相救哉事不師
古而能長久者非所聞也今青臣又面諛以重陛下之
過非忠臣始皇下其議丞相李斯曰五帝不相復三代

不相襲各以治非其相反時變異也今陛下創大業建

萬世之功固非愚儒所知且越言乃三代之事何足法

也異時諸侯並爭厚招遊學今天下已定法令出一百

姓當家則力農工士則學習法令辟禁

正義力令性反辟音避

今

諸生不師今而學古以非當世惑亂黔首丞相臣斯昧

死言古者天下散亂莫之能一是以諸侯並作語皆道

古以害今飾虛言以亂實人善其所私學

集解徐廣曰私一作知

以非上之所建立今皇帝并有天下別黑白而定一尊

私學而相與非法教人聞令下則各以其學議之入則

心非出則巷議夸主

正義音口瓜反

以為名異取以為高率羣

下以造謗如此弗禁則主勢降乎上黨與成乎下禁之

便臣請史官非秦紀皆燒之非博士官所職天下敢有

藏詩書百家語者悉詣守尉雜燒之有敢偶語詩書棄

市

集解應劭曰禁民聚語畏其謗已正義偶對也

以古非今者族吏見知不舉

者與同罪令下三十日不燒黔為城旦

集解如淳曰律說論決為髡鉗

輸邊築長城晝日旬寇虜夜暮築長城城旦四歲也

所不去者醫藥卜筮種樹之

書若欲有學法令

集解徐廣曰一無法令二字

以吏為師制曰可

三十五年除道道九原

集解駟案地理志五原郡有九原縣

抵雲陽

集解徐廣

曰表云道九原通甘泉

塹山堙谷直通之於是始皇以為咸陽人

多先王之宮廷小吾聞周文王都豐武王都鎬豐鎬之

閔帝王之都也乃營作朝宮渭南上林苑中先作前殿

阿房

正義房白郎反括地志云秦阿房宮亦曰阿城在雍州長安縣西北一十四里按宮在上林苑中雍

州郭城西南面即阿房宮城東面也顏師古云阿近也以其去咸陽近且號阿房

東西五百步

南北五十丈上可以坐萬人下可以建五丈旗

索隱此以其形

名宮也言其宮四阿旁廣也故云下可建五丈之旗也
阿房後為宮名正義三輔舊事云阿房宮東西三里南
北五十步庭中可受萬人又鑄銅人十二於宮
前阿房宮以慈石為門阿房宮之北闕門也 周馳為

閣道自殿下直抵南山表南山之顛以為闕為復道自

阿房渡渭屬之咸陽以象天極閣道絕漢抵營室也

索隱

謂為複道渡渭屬咸陽象天文閣道絕漢抵營室也
天官書曰天極紫宮後十七星絕漢抵營室曰閣道 阿

房宮未成欲更擇令名名之作宮阿房故天下謂之

阿房宮隱宮徒刑者七十餘萬人

正義餘刑見于市朝
宮刑一百日隱于蔭

室養之乃可故曰
隱宮下蠶室是

乃分作阿房宮或作麗山發北山石

棹乃寫蜀荆地材皆至關中計宮三百關外四百餘於是立石東海上胸界中以為秦東門因徙三萬家麗邑

正義麗音離

五萬家雲陽皆復不事十歲盧生說始皇曰臣等求芝奇藥仙者常弗遇類物有害之者方中人主時

為微行以辟惡鬼惡鬼辟真人至人主所居而人臣知

之則害於神真人者入水不濡入火不焚

正義而說反

陵雲

氣與天地久長今上治天下未能恬惓願上所居宮毋令人知然後不死之藥殆可得也於是始皇曰吾慕真

人自謂真人不稱朕乃令咸陽之旁二百里內宮觀二百七十復道甬道相連帷帳鐘鼓美人充之各案署不移徙行所幸有言其處者罪死始皇帝幸梁山宮

集解徐廣

曰在好時正義括地志云俗名望宮山在雍州好時縣西十二里北去梁山九里秦始皇起從山上見丞相車騎衆弗善從山上見丞相車騎衆弗善也中人或告丞

即此山也

相丞相後損車騎始皇怒曰此中人泄吾語案問莫服當是時詔捕諸時在旁者皆殺之自是後莫知行之所

在聽事羣臣受決事悉於咸陽宮侯生

集解駟案說苑曰韓客侯生也

盧生相與謀曰始皇為人天性剛戾自用起諸侯并天下意得欲從以為自古莫及已專任獄吏獄吏得親幸博士雖七十人特備員弗用丞相諸大臣皆受成事倚辦于上上樂以刑殺為威天下畏罪持祿莫敢盡忠上不聞過而日驕下懾伏謾欺以取容秦法不得兼方

集解

徐廣曰一云并力正義言秦施法不得兼方者令民之有方伎不得兼兩齊試不驗輒賜死言法酷不驗

輒死然候星氣者至三百人皆良士畏忌諱諛不敢端言其過天下之事無大小皆決於上上至以衡石量書

集解駟案石百二十斤正義秤衡也言表
賤奏請秤取一石日夜有程期不滿不休息
日夜有呈

不中呈

正義中
竹仲反

不得休息貪於權勢至如此未可為求

僊藥於是乃亡去始皇聞亡乃大怒曰吾前收天下書

不中用者盡去之悉召文學方術士甚衆欲以興太平

方士欲練以求奇藥

集解徐廣曰一
云欲以練求

今聞韓衆

正義
音終

去

不報徐市等費以巨萬計終不得藥徒姦利相告日聞

集解徐廣
曰一作問

盧生等吾尊賜之甚厚今乃誹謗我以重吾

不德也諸生在咸陽者吾使人廉問或為詖言以亂黔

首於是使御史悉案問諸生諸生傳相告引乃自除犯禁者四百六十餘人皆阬之咸陽使天下知之以懲後

益發謫徙邊

集解徐廣曰表云徙于北河榆中耐徙三處拜爵一級

始皇長子扶

蘇諫曰天下初定遠方黔首未集諸生皆誦法孔子今

上皆重法繩之臣恐天下不安唯上察之始皇怒使扶

蘇北監蒙恬於上郡

正義括地志云上郡故城在綏州上縣東南五十里秦之上郡城也

三十六年熒惑守心有墜星下東郡至地為石

集解徐廣曰表

云石黔首或刻其石曰始皇帝死而地分始皇聞之遣

御史逐問莫服盡取石旁居人誅之因燔銷其石始皇

不樂使博士為僊真人詩及行所游天下傳令

正義傳
逐應反

令力樂人謠弦之秋使者從關東夜過華陰平舒道正義

括地志云平舒故城在華州華陰縣西北六里水經注
云渭水又東經平舒北城枕渭濱半破淪水南面通衢

昔秦之將亡也江神返璧有人持璧遮使者曰為吾遺

瀉池君

集解服虔曰水神也張晏曰武王居鎬鎬池君
則武王也武王伐商故神云始皇荒淫若紂矣

今亦可伐也孟康曰長安西南有瀉池索隱按服虔云
水神是也江神以璧遺鎬池之神告始皇之將終也且
秦水德王故其君將亡水神先自相告也正義遺庚季
反瀉湖老反括地志云瀉水源出雍州長安縣西北瀉

池酈元注水經云瀉水承瀉池北流入渭
今按瀉池水流入來通渠蓋酈元誤矣

因言曰今年

祖龍死

集解蘇林曰祖始也
龍人君象謂始皇也

使者問其故因忽不見置

其壁去使者奉璧具以聞始皇默然良久曰山鬼固不

過知一歲事也退言曰祖龍者人之先也

集解服虔曰
龍人之先象

也言王亦人之先也應劭
曰祖人之先龍君之象

使御府視璧乃二十八年行

渡江所沈璧也于是始皇卜之卦得游徙吉遷北河榆

中三萬家

正義謂北河勝州也榆中即今勝州榆林
縣也言徙三萬家以應卜卦游徙吉也

拜

爵一級

三十七年十月癸丑始皇出游左丞相斯從右丞相去

疾守少子胡亥愛慕請從上許之十一月行至雲夢望

祀虞舜于九疑山

正義括地志云九疑山在永州唐興縣東南一百里皇覽冢墓記云舜冢

在零陵郡營浦縣九疑山言始皇至雲夢望祭虞舜于九疑山也

浮江下觀籍柯渡海

渚

正義括地志云舒州同安縣東按舒州在江中疑海字誤即此州也

過丹陽

正義括地志云丹陽

郡故在潤州江寧縣東南五里秦兼并天下以為鄣郡也

至錢唐

正義錢唐今杭州縣

臨浙江

集解晉灼曰江水至會稽山陰為浙江音折

水波惡乃西百二十里從狹中

渡

集解徐廣曰孟在餘杭也顧夷曰餘杭者秦始皇至會稽經此立為縣

上會稽祭大禹

正義上音上掌反越州會稽山上有夏禹穴及廟

望于南海而立石刻頌秦德

索隱三句為韻凡二十四韻

其文曰

正義此二頌三句為韻其碑見在會稽山上其文及書皆李斯

其字四寸畫如小指圓錫今文字整頓是小篆字

皇帝休烈平一字內德惠修

長

索隱修亦長也重文耳王劭按張徽所錄會稽南山秦始皇碑文修作攸

三十有七年親

巡天下周覽遠方遂登會稽宣省習俗黔首齋莊羣臣

誦功本原事迹追首高明

索隱今檢會稽刻石文首字作道雅符人情也

秦聖

臨國始定刑名顯陳舊彰

正義彰作章碑文作畫璋也

初平法式審

別職任以立恒常六王專倍貪戾悻猛率衆自彊

正義碑文

作率衆

邦彊 暴虐恣行

正義寒彭反

負力而驕數動甲兵

正義數音朔

陰通間使

正義間紀覓反又如字使所吏反

以事合從

正義合音閤從子容反

行

為辟方

正義行下孟反辟匹亦反

內飾詐謀

索隱刻石文謀作計

外來侵邊遂

起禍殃義威誅之殄熄暴悖

集解徐廣曰熄音息正義殄音田典反暴音白報反

悖音背

亂賊滅亡聖德廣密六合之中被澤無疆皇帝并

宇兼聽萬事遠近畢清運理羣物考驗事實各載其名

貴賤並通善否陳前靡有隱情飾省宣義

集解徐廣曰省一作非正

義飾音式省音山景反飾謂文飾也省過也

有子而嫁

正義謂夫死有子棄之而嫁

倍死

不貞防隔內外禁止淫泆男女絜誠夫為寄殯

索隱殯壯豬也

言夫淫他室若寄殯之猶也殯音加

殺之無罪男秉義程妻為逃嫁

正義謂棄

夫而逃子不得母

正義言妻棄夫逃嫁子乃失母

咸化廉清大治濯俗

天下承風蒙被休經皆遵度軌和安敦勉莫不順令

正義

力呈反

黔首修潔人樂同則

正義樂音岳

嘉保太平後敬奉法

常治無極輿舟不傾從臣誦烈

正義從音才用反烈美也所隨巡從諸臣咸誦

美請刻此石

請刻此石光垂休銘還過吳從江乘渡

集解駟案地理

志丹陽有江乘縣正義乘音時升反江乘故縣在潤州句容縣北六十里本秦舊縣也渡謂濟渡也

並海

上北至琅邪方士徐市等入海求神藥數歲不得費多

恐譴乃詐曰蓬萊藥可得然常為大鯨魚所苦

正義鯨音交苦

音若故反

故不得至願請善射與俱見則以連弩射之始皇

夢與海神戰如人狀問占夢博士曰水神不可見以大

魚蛟龍為候今上禱祠備謹而有此惡神當除去而善

神可致乃令入海者齋捕巨魚具而自以連弩候大魚

出射之自琅邪北至榮成山

正義即成山也在萊州

弗見至之眾見

巨魚射殺一魚遂並海西至平原津而病

集解徐廣曰渡河而西正

義今德州平原縣南六十里有張公故城城東有水津焉後名張公渡恐此平原郡古津也漢書公孫弘平津侯亦近此蓋平津即此

始皇惡言死羣臣莫敢言死事

上病益甚乃為璽書賜公子扶蘇曰與喪會咸陽而葬

書已封在中車府令趙高

集解伏儼曰主乘輿路車

行符璽事所未

授使者七月丙寅始皇崩于沙丘平臺

集解徐廣曰年五十沙丘去長

安二千餘里趙有沙丘宮在鉅鹿武靈王之死處正義括地志云沙丘臺在邢州平鄉縣東北二十里又云平鄉縣東北四十里按始皇崩在沙丘之宮

丞相斯為上

崩在外

正義為于偽反

恐諸公子及天下有變乃祕之不發喪

棺載輜涼車中

正義棺音館
又古患反

故幸宦者參乘所至上食

百官奏事如故宦者輒從輜涼車中可其奏事獨子胡

亥趙高及所幸宦者五六人知上死趙高故嘗教胡亥

書及獄律令法事胡亥私幸之高乃與公子胡亥丞相

斯陰謀破去始皇所封書

正義去丘呂反

賜公子扶蘇者而更

詐為丞相斯受始皇遺詔沙丘立子胡亥為太子更為

書賜公子扶蘇蒙恬數以罪

正義數音色具反

其賜死語具在

李斯傳中行遂從井陘

集解徐廣曰在常山

抵九原

正義抵丁禮反抵至也從

沙丘至勝州
三千

里會暑上輜車臭乃詔從官令車載一石鮑魚

正義鮑
白卯反

以亂其臭行從直道至咸陽發喪太子胡亥襲

位為二世皇帝九月葬始皇鄠山始皇初即位穿治鄠

山及并天下天下徒送詣七十餘萬人穿三泉下銅而

致椁宮觀百官奇器珍怪徙藏滿之

集解徐廣曰銅一作銅鑄塞也正

義頽師古云三重之泉言至水也藏才浪反言冢內作宮觀及百官位次奇器珍怪徙滿冢中

今匠作

機弩矢有所穿近者輒射之以水銀為百川江河大海

機相灌輸

正義灌音館輸音戌

上具天文下具地理以人魚膏為

燭

集解徐廣曰人魚似鮎四脚正義廣志云鮎魚聲如小兒啼有四足形如鯉可以治牛出伊水異物志云

人魚似人形長尺餘不堪食皮利于鮫魚鋸材木八項上有小穿氣從中出秦始皇冢中以人魚膏為燭即此

魚也出東海中今台州有之按度不滅者久之
正義度今帝王用漆燈冢中則火不滅
音田洛

反

二世曰先帝後宮非有子者出焉不宜皆令從死死

者甚衆葬既已下或言工匠為機藏皆知之藏重即泄

大事畢已藏閉中羨

正義音延下同謂冢中神道

下外羨門盡閉工

匠藏者無復出者樹草木以象山

集解駉案皇覽曰墳高五十餘丈周迴五

里餘正義關中記云始皇陵在驪山泉本北流障使東西流有土無石取大石于渭山諸山括地志云秦始皇

陵在雍州新豐縣西南十里

二世皇帝元年年二十一

集解徐廣曰表云十月戊寅大赦罪人

趙高為

郎中令

集解駰案漢書百官表曰秦官掌宮殿門戶

任用事二世下詔增始

皇寢廟犧牲及山川百祀之禮令羣臣議尊始皇廟羣

臣皆頓首言曰古者天子七廟諸侯五大夫三雖萬世

世不軼毀

正義軼音徒結反

今始皇為極廟四海之內皆獻貢

職增犧牲禮咸備毋以加先王廟或在西雍

正義於用反西雍在

咸陽西今岐州雍縣故城是也又一云西雍雍西縣也

或在咸陽天子儀當獨奉

酌祠始皇廟自襄公已下軼毀所置凡七廟羣臣以禮

進祠以尊始皇廟為帝者祖廟皇帝復自稱朕二世與

趙高謀曰朕年少初即位黔首未集附先帝巡行郡縣

以示彊威服海內今晏然不巡行即見弱毋以臣畜天

下春二世東行郡縣李斯從到碣石並海南至會稽而

盡刻始皇所立刻石石旁著

正義著
丁畧反

大臣從者名以章

先帝成功盛德焉皇帝曰金石刻盡始皇帝所為也今

襲號而金石刻辭不稱

正義尺
證反

始皇帝其于久遠也

正義

二世言始滅六國威振古今自五帝三王未及既已襲位而見金石盡刻其頌不稱始皇成功盛德甚遠矣

如後嗣為之者不稱成功盛德丞相臣斯臣去疾

集解徐廣

曰姓馮正義去丘呂反

御史大夫臣德昧死言臣請具刻詔書刻

石因明白矣臣昧死請制曰可遂至遼東而還于是二

世乃遵用趙高申法令乃陰與趙高謀曰大臣不服官

吏尚彊及諸公子必與我爭為之奈何高曰臣固願言

而未敢也先帝之大臣皆天下累世名貴人也積功勞

世以相傳久矣今高素小賤陛下幸稱舉令在上位管

中事大臣鞅鞅特以貌從臣其心寔不服今上出不因
此時案郡縣守尉有罪者誅之上以振威天下下以除
去上生平所不可者今時不師文而決于武力願陛下
遂從時毋疑即羣臣不及謀明主收舉餘民賤者貴之
貧者富之遠者近之則上下集而國安矣二世曰善乃
行誅大臣及諸公子以罪過連逮少近官三郎無得立
者

索隱逮訓及也謂連及俱被捕故云連逮少小也近
近侍之臣三郎謂中郎外郎散郎也正義漢書百官

表云有議郎中郎散郎又有
左右三將謂郎中車郎戶郎而六公子戮死于杜公子

將閻昆弟三人囚於內宮議其罪獨後二世使使令將
閻曰公子不臣罪當死吏致法焉將閻曰關廷之禮吾
未嘗敢不從賓贊也廊廟之位吾未嘗敢失節也受命
應對吾未嘗敢失辭也何謂不臣願聞罪而死使者曰
臣不得與謀奉書從事將閻乃仰天大呼天者三曰天
乎吾無罪昆弟三人皆流涕拔劍自殺宗室振恐羣臣
諫者以為誹謗大吏持祿取容黔首振恐四月二世還
至咸陽曰先帝為咸陽朝廷小故營阿房宮為室堂未

就會上崩罷其作者復土酈山

正義謂出土為陵既成還復其土故言復土

酈山事大畢今釋阿房宮弗就則是章先帝舉事過也

復作阿房宮外撫四夷如始皇計盡徵其材士

正義謂材官蹶

張之士五萬人為屯衛咸陽令教射狗馬禽獸當食者多

正義謂材士及狗馬度不足下調

正義度田洛反下行嫁反調田弔反謂下令調斂也

郡縣

轉輸菽粟芻藁皆令自齎糧食咸陽三百里內不得食

其穀用法益刻深七月戌卒陳勝

正義音升

等反故荆地為

張楚

集解李奇曰張大楚國也

勝自立為楚王居陳遣諸將徇地山

東郡縣少年苦秦吏皆殺其守尉令丞反以應陳涉相

立為侯王合從西鄉名為伐秦不可勝數也謁者使東

方來

集解駢案漢書百官表曰謁者秦官掌賓贊受事

以反者聞二世二世怒

下吏後使者至上問對曰羣盜郡守尉方逐捕今盡得

不足憂上悅武臣自立為趙王魏咎為魏王田儋

集解服虔

曰音負擔

為齊王沛公起沛項梁舉兵會稽郡

二年冬陳涉所遣周章等將西至戲

集解應劭曰戲弘農湖西界孟康曰

水名今戲亭是也蘇林曰邑名在新豐東南三十里正義戲音許宜反括地志云戲水源出雍州新豐縣西南

驪山水經注云戲水出驪山馮公谷東北流今新豐縣東北十一里戲水當官道即其處

兵數十萬

二世大驚與羣臣謀曰奈何少府章邯曰

集解駢案漢書百官表曰

少府秦官應劭曰掌山澤陂池之稅名曰禁錢以給私養自別為藏少者小也故稱少府正義邯胡甘反盜

已至衆彊今發近縣不及矣酈山徒多請赦之授兵以

擊之二世乃大赦天下使章邯將擊破周章軍而走遂

殺章曹陽

集解晉灼曰亭名在弘農東十三里魏武帝改曰好陽正義括地志云曹陽故亭一名好

陽亭在陝州桃林縣東南十四里即章邯殺周章處

二世益遣長史司馬欣董翳

佐章邯擊盜殺陳勝城父

正義父音甫括地志云城父亳州所理縣

破項梁

定陶

正義今曹州定陶縣

滅魏咎臨濟

正義今齊州縣

楚地盜名將已死

章邯乃北渡河擊趙王歇等於鉅鹿

正義括地志云邢州平鄉縣城本鉅

鹿離園趙王歇即此城

趙高說二世曰先帝臨制天下久故羣臣

不敢為非進邪說今陛下富於春秋初即位奈何與公

卿廷決事事即有誤示羣臣短也天子稱朕固不聞聲

索隱言天子常處禁中臣下屬

於是二世常居禁中

集解

望纔有兆朕耳不見其形也

蔡邕曰禁中者門戶有禁非

與高決諸事其後公卿希

侍御者不得入故曰禁中

得朝見盜賊益多而關中卒發東擊盜者毋已右丞相

去疾左丞相斯將軍馮劫進諫曰關東羣盜並起秦發

兵誅擊所殺亡甚衆然猶不止盜多皆以戍漕轉作事

苦賦稅大也請且止阿房宮作者減省

正義上
色反

四邊戍

轉二世曰吾聞之韓子曰堯舜采椽不刮

索隱采木
名刮音枯

茅

茨不翦飯土塼

集解徐廣曰呂靜曰飯器謂之
簋索隱如字一音鏤不作簋

啜土形

集解如淳曰土形飯器之屬
瓦器索隱飯器以瓦為之雖監門之養

正義以
讓反

不穀

於此

索隱謂監門之卒養即卒也有廝養卒穀音學謂
盡也又古學反正義又苦角反爾雅云穀盡也言

堯舜采椽不刮茅茨不翦飯土塼啜土形
雖監守門之人供養亦不盡此之踈陋也禹鑿龍門通

大夏

正義括地志云大夏今并州晉陽及汾絳等州是晉高辛氏子寔沈居之西近河言禹鑿龍門河水

道得大通并州之地不壅溢也

決河亭水

正義亭平也又云決亭壅之水

放之海身自

持築宙

正義宙音初洽反築牆样也宙鍛也爾雅云鍛謂之宙

脛毋毛臣虜之勞

不烈於此矣

正義烈義也言臣虜之勞猶不美于此矣又烈酷也禹鑿龍門通大夏道決黃河洪

水放之海身持鍛杵使膝脛無毛賤臣奴虜之勤勞不酷烈于此辛苦矣

凡所為貴有天下

者得肆意極欲主重

正義直拱反

明法下不敢為非以制御

海內矣夫虞夏之主貴為天子親處窮苦之實以徇百

姓尚何於法朕尊萬乘毋其實吾欲造千乘之駕萬乘

之屬充吾號名且先帝起諸侯兼天下天下已定外攘
四夷以安邊境作宮室以章得意而君觀先帝功業有
緒今朕即位二年之間羣盜並起君不能禁又欲罷先
帝之所為是上毋以報先帝次不為朕盡忠力何以在
位下去疾斯劫吏案責他罪去疾劫曰將相不辱自殺
斯卒囚

正義卒字律反囚在由反謂禁錮也

就五刑

三年章邯等將其卒圍鉅鹿楚上將軍項羽將楚卒往
救鉅鹿冬趙高為丞相竟案李斯殺之夏章邯等戰數

却二世使人讓邯邯恐使長史欣請事趙高弗見又弗

信欣恐亡去高使人捕追不及欣見邯曰趙高用事於

中將軍有功亦誅無功亦誅項羽急擊秦軍虜王離邯

等遂以兵降諸侯八月己亥

集解徐廣曰一作卯

趙高欲為亂恐

羣臣不聽乃先設驗持鹿獻于二世曰馬也二世笑曰

丞相誤耶謂鹿為馬問左右左右或默或言馬以阿順

趙高或言鹿者高因陰中諸言鹿者以法後羣臣皆畏

高高前數言關東盜毋能為也及項羽虜秦將王離等

鉅鹿下而前章邯等軍數却上書請益助燕趙齊楚韓

魏皆立為王自關以東大氏

正義音丁禮反猶畧也

盡畔秦吏應

諸侯諸侯咸率其衆西鄉沛公將數萬人已屠武關使

人私於高高恐二世怒誅及其身乃謝病不朝見二世

夢白虎齧其左驂馬殺之心不樂怪問占夢卜曰涇水

為崇

正義音雖遂反

二世乃齋于望夷宮

集解張晏曰宮在長陵西北長平觀道東

故亭處是也臨涇水作之以望北夷正義括地志云秦望夷宮在雍州咸陽縣東南八里

欲祠涇沈

四白馬使使責讓高以盜賊事高懼乃陰與其婿咸陽

令閭樂其弟趙成謀曰上不聽諫令事急欲歸禍于吾

宗吾欲易置上更立公子嬰子嬰仁儉百姓皆載其言

使郎中令為內應

集解徐廣曰一云郎中令趙成

詐為有大賊令樂召

吏發卒追劫樂毋置高舍遣樂將吏卒千餘人至望夷

宮殿門縛衛令僕射曰賊入此何不止衛令曰周盧設

卒甚謹

集解駟案西京賦曰微道外周千廬內傳薛綜曰士傳宮外內為廬舍晝則巡行非常夜則警

備不虞

安得賊敢入宮樂遂斬衛令直將吏入行射郎官

者大驚或走或格格者輒死死數十人郎中令與樂

俱入射上幄坐幃二世怒召左右左右皆惶擾不鬪旁
有宦者一人侍不敢去二世入內謂曰公何不蚤告我
乃至于此宦者曰臣不敢言故得全使臣蚤言皆已誅
安得至今閭樂前即二世數曰足下驕恣

集解蔡邕曰
羣臣士庶相

與言曰殿下閣下足
下侍者執事皆謙類

誅殺無道天下共畔足下足下其

自為計二世曰丞相可得見否樂曰不可二世曰吾願
得一郡為王弗許又曰願為萬戶侯弗許曰願與妻子
為黔首比諸公子閭樂曰臣受命于丞相為天下誅足

下足下雖多言臣不敢報麾其兵進二世自殺閭樂歸

報趙高趙高乃悉召諸大臣公子告以誅二世之狀曰

秦故王國始皇君天下故稱帝今六國復自立秦地益

小乃以空名為帝不可宜為王如故便立二世之兄子

公子嬰為秦王以黔首葬二世杜南宜春苑中令子嬰

齋當廟見受玉璽齋五日子嬰與其子二人謀曰丞相

高殺二世望夷宮恐羣臣誅之乃詳以義立我我聞趙

高乃與楚約滅秦宗室而王關中今使我齋見廟此欲

因廟中殺我我稱病不行丞相必自來來則殺之高使人請子嬰數輩子嬰不行高果自往曰宗廟重事王奈何不行子嬰遂刺殺高於齋宮三族高家以徇咸陽子嬰為秦王四十六日楚將沛公破秦軍入武關遂至霸

上

集解應劭曰霸水上地名在長安東三十里古名滋水秦穆公更名霸水

使人約降子嬰

子嬰即係頸以組白馬素車

集解應劭曰組者天子黻也係頸者言欲自殺也素

車白馬喪人之服也

奉天子璽符降軹道旁

集解徐廣曰在霸陵駟案蘇林曰亭名在

長安東十三里

沛公遂入咸陽封宮室府庫還軍霸上居月餘

諸侯兵至項籍為從長

索隱謂合關東為從長也

殺子嬰及秦諸公

子宗族遂屠咸陽燒其宮室虜其子女收其珍寶貨財
諸侯共分之滅秦之後各分其地為三名曰雍王塞王
翟王號曰三秦項羽為西楚霸王主命分天下王諸侯
秦竟滅矣後五年天下定於漢

太史公曰秦之先伯翳嘗有勲于唐虞之際受土賜姓
及殷夏之間微散至周之衰秦興邑于西垂自繆公以
來稍蠶食諸侯竟成始皇始皇自以為功過五帝地廣

三王而羞與之侔善哉乎賈生推言之也曰秦并兼諸

侯山東三十餘郡繕津關據險塞修甲兵而守之然陳

涉以戍卒散亂之衆數百奮臂大呼不用弓戟之兵鉏

耰白挺

集解徐廣曰耰田器音憂索隱徐以耰為田器非也孟康以耰為鉏柄蓋得其近也

望屋

而食

索隱言其兵蠶食天下不裹糧而行

橫行天下

索隱謂輕前敵不部伍旅進也舞陽侯曰

橫行由奴中也

秦人阻險不守關梁不闔長戟不刺彊弩不射

楚師深入戰于鴻門曾無藩籬之艱于是山東大擾諸

侯並起豪俊相立

集解駢案鵠冠子曰德萬人者謂之俊德千人者謂之豪德百人者謂之

英索隱謂武臣田儋魏豹之屬

秦使章邯將而東征章邯因以三軍之

衆要市於外以謀其上

索隱此評失也章邯之降由趙高用事不信任軍將一則恐誅

二則楚兵既盛王離見虜遂降耳非三軍要市于外以求封明矣

羣臣之不信可見于

此矣子嬰立遂不寤藉使子嬰有庸主之材僅得中佞

山東雖亂秦之地可全而有宗廟之祀未當絕也秦地

被山帶河以為固四塞之國也自繆公以來至于秦王

二十餘君常為諸侯雄豈世世賢哉其勢居然也且天

下嘗同心并力而攻秦矣當此之世賢智並列良將行

其師賢相通其謀然困於阻險而不能進秦乃延入戰而為之開關百萬之徒逃北而遂壞豈勇力智慧不足哉形不利勢不便也秦小邑并大城

集解徐廣曰大一作小

守險

塞而軍高壘毋戰閉關據扼荷戟而守之諸侯起于匹夫以利合非有素王之行也其交未親其下未附名為亡秦其寔利之也彼見秦阻之難犯也必退師安土息民以待其敝

索隱賈誼書安作案

收弱扶罷以令大國之君不患

不得意于海內貴為天子富有天下而身為禽者其救

敗非也秦王足已不問遂過而不變二世受之因而不
改暴虐以重禍子嬰孤立無親危弱無輔三主惑而終
身不悟亡不亦宜乎當此時也世非無深慮知化之士
也然所以不敢盡忠拂過者秦俗多忌諱之禁忠言未
卒於口而身為戮沒矣故使天下之士傾耳而聽重足
而立拊口而不言是以三主失道忠臣不敢諫智士不
敢謀天下已亂姦不上聞豈不哀哉先王知雍蔽之傷
國也故置公卿大夫士以飾法設刑而天下治其彊也

禁暴誅亂而天下服其弱也五伯征而諸侯從其削也
內守外附而社稷存故秦之盛也繁法嚴刑而天下振
及其衰也百姓怨望而海內畔矣故周五
索隱賈誼書五作王序
得其道而千餘歲不絕秦本末竝失故不長久由此觀
之安危之統相去遠矣野諺曰前事之不忘後事之師
也是以君子為國觀之上古驗之當世參以人事察盛
衰之理審權勢之宜去就有序變化有時故曠日長久
而社稷安矣秦孝公據崤函之固擁雍州之地君臣固

守而窺周室有席卷天下

索隱按春秋緯曰諸侯冰散席卷也

包舉宇內

囊括四海之志

集解張晏曰括括囊也言其能包含天下

并吞八荒之心當

是時商君佐之

索隱商君衛公孫鞅仕秦為左庶長遂為秦制法孝公致霸封之于商號商君

內立法度務耕織修守戰之備外連衡而鬪諸侯

索隱高誘

曰合闕東從道之秦故曰連衡也

於是秦人拱手而取西河之外孝公

既沒惠王武王蒙故業因遺策南兼漢中西舉巴蜀東

割膏腴之地收要害之郡諸侯恐懼會盟而謀弱秦不

愛珍器重寶肥美之地以致天下之士合從締交

集解駟案

漢書音義
曰締結也

相與為一當是時齊有孟嘗趙有平原楚有

春申魏有信陵此四君者皆明知而忠信寬厚而愛人

尊賢重士約從離衡

索隱言孟嘗等四君皆為其國
共相約結為從以離散秦之橫

并

韓魏燕楚齊趙宋衛中山之衆于是六國之士

索隱六國者韓

魏趙燕楚齊是也與秦為七雄又六國與
宋衛中山為九國其三國蓋微又前亡

有寧越徐尚

蘇秦杜赫之屬為之謀

集解徐廣曰越一作經或自別
有此人不必寧越也索隱寧越

趙人賈誼作甯越徐尚未詳蘇秦東周洛陽人呂氏春
秋杜赫以安天下說周昭文君高誘曰杜赫周人也

齊明周最陳軫昭滑樓緩翟景蘇厲樂毅之徒通其意

索隱戰國策齊明東周臣後仕秦楚及韓周最周之公子亦仕秦陳軫夏人亦仕秦昭滑楚人樓緩魏文侯之弟所謂樓子也蘇厲秦之弟仕齊樂毅本齊臣入燕燕昭王以客禮待之以為亞卿翟景未詳也

吳起

孫臏帶佗兒良王廖田忌廉頗趙奢之朋制其兵

索隱吳起

衛人事魏文侯為將孫臏孫武之後也春秋曰王廖貴先兒良貴後二人皆天下之豪士田忌齊將也廉頗趙奢皆趙之將也常以十倍之地百萬之衆叩關而攻秦秦人開

關延敵九國之師逡巡遁逃而不敢進秦無亡矢遺鏃之費而天下諸侯已困矣于是從散約解爭割地而奉秦秦有餘力而制其敵追亡逐北伏尸百萬流血漂鹵

集解徐廣曰鹵楮也

因利乘便宰割天下分裂河山彊國請服弱

國入朝廷及孝文王莊襄王享國日淺國家無事及至

秦王續六世之餘烈

集解張晏曰孝公惠文王武王昭王孝文王莊襄王

振長策

而御宇內吞二周而亡諸侯履至尊而制六合執捶拊

以鞭笞天下

集解徐廣曰拊拍也音府一作搗朴索隱賈本論作搗朴

威振四海南

取百越之地

集解韋昭曰越有百邑

以為桂林象郡百越之君俛

首係頸委命下吏乃使蒙恬北築長城而守藩籬却匈

奴七百餘里胡人不敢南下而牧馬士不敢彎弓而報

怨於是廢先王之道焚百家之言以愚黔首墮名城

集解

應劭曰壞堅城恐人復阻以害已也

殺豪傑收天下之兵聚之咸陽銷鋒

鑄鐻以為金人十二以弱黔首之民然後斬華為城

集解

徐廣曰斬一作踐駟案服虔曰斷華山為城索隱踐亦出賈本論又崔浩云踐登也

因河為津據

億丈之城臨不測之溪以為固長將勁弩守要害之處

信臣精卒陳利兵而誰何

集解如淳曰何猶問也索隱崔浩云何或為呵漢舊儀宿

衛郎官分五夜誰呵呵夜行者誰也何呵字同

天下以定秦王之心自以為關

中之固金城千里

索隱金城言其寔且堅也韓子曰雖有金城湯池漢書張良亦曰關中所

謂金城千里
天府之國

子孫帝王萬世之業也秦王既沒餘威振

於殊俗陳涉蠶牖繩樞之子

集解服虔曰以繩係戶樞也孟康曰瓦蠶為窻也

眡隸之人

集解如淳曰眡古氓字氓民也

而遷徙之徒才能不及中人

非有仲尼墨翟之賢陶朱猗頓之富躡足行伍之間而

倔起什伯之中

集解駸案漢書音義曰首出十長百長之中如淳曰時皆辟屈在十百之中

率罷散之卒將數百之衆而轉攻秦斬木為兵揭竿為

旗天下雲集響應羸糧而景從山東豪俊遂並起而亡

秦族矣且夫天下非小弱也雍州之地殽函之固自若

也

集解韋昭曰殺謂二殺函函谷關也

陳涉之位非尊於齊楚燕趙韓魏

宋衛中山之君鉏耨棘矜

集解服虔曰以鉏耨及棘作矛槿也如淳曰耨椎塊椎也

非鏃于句戟長鍛也

集解徐廣曰鏃一作鉞駟案如淳曰長刃矛也又曰矛刃下有鐵橫

方上曲句鍛音所拜反

造戍之衆非抗於九國之師深謀遠慮行軍

用兵之道非及鄉時之士也然而成敗異變功業相反

也試使山東之國與陳涉度長絜大

集解駟案漢書音義曰絜束之絜

比權量力則不可同年而語矣然秦以區區之地千乘

之權招八州而朝同列百有餘年矣然後以六合為家

殺函為宮一夫作難而七廟墮身死人手為天下笑者何也仁義不施而攻守之勢異也秦并海內兼諸侯南

面稱帝

集解徐廣曰一本有此篇無前者秦孝公已下而又以秦并兼諸侯山東三十餘郡繼此末也

索隱按賈誼過秦論以孝公已下為上篇秦并諸侯三十餘郡為下篇鄒誕生云太史公刪賈誼過秦論著此論當其義而省其辭褚先生生增續既已混殺而世俗小智不惟刪省之旨合寫本論于此故不同也今頗亦不可分別以養四海天下之士斐然鄉風若是者何也曰近

古之無王者久矣周室卑微五霸既沒令不行於天下是以諸侯力政彊侵弱衆暴寡兵革不休士民罷敝今

秦南面而王天下是有天子也既元元之民冀得安其性命莫不虛心而仰上當此之時守威定功安危之本在於此矣秦王懷貪鄙之心行自奮之智不信功臣不親士民廢王道立私權禁文書而酷刑法先詐力而後仁義以暴虐為天下始夫并兼者高詐力安定者貴順權此言取與守不同術也秦離戰國而王天下其道不易其政不改是其所以取之守之者異也孤獨而有之故其亡可立而待借使秦王計上世之事並殷周之

迹以制御其政後雖有淫驕之主而未有傾危之患也
故三王之建天下名號顯義功業長久今秦二世立天
下莫不引領而觀其政夫寒者利裋褐

集解徐廣曰一作短小襦也音

豎索隱趙岐曰褐以毛毳織之若馬衣或以褐編衣也
裋一音豎蓋謂褐布豎裁為勞役之衣短而且狹故謂
之短褐亦曰豎褐而饑者甘糟糠天下之磬磬新主之資也此

言勞民之易為仁也鄉使二世有庸主之行而任忠賢
臣主一心而憂海內之患縞素而正先帝之過裂地分
民以封功臣之後建國立君以禮天下虛囹圄而免刑

戮除去收帑汙穢之罪使各反其鄉里發倉廩散財幣
以振孤獨窮困之士輕賦少事以佐百姓之急約法省
刑以持其後使天下之人皆得自新更節修行各慎其
身塞萬民之望而以威德與天下天下集矣即四海之
內皆謹然各自安樂其處唯恐有變雖有狡獪之民無
離上之心則不軌之臣無以飾其智而暴亂之姦止矣
二世不行此術而重之以無道壞宗廟與民

集解徐廣曰一無此

上五字

更始作阿房宮繁刑嚴誅吏治刻深賞罰不當賦

斂無度天下多事吏弗能紀百姓困窮而主弗收恤然
後姦偽並起而上下相遁蒙罪者衆刑戮相望于道而
天下苦之自君卿以下至於衆庶人懷自危之心親處
窮苦之寔咸不安其位故易動也是以陳涉不用湯武
之賢不藉公侯之尊奮臂于大澤而天下響應者其民
危也故先王見始終之變知存亡之機是以牧民之道
務在安之而已天下雖有逆行之臣必無響應之助矣
故曰安民可與行義而危民易與為非此之謂也貴為

天子富有天下身不免於戮殺者正傾非也是二世之過也

襄公立享國十二年初為西時葬西垂

索隱此已下重序列秦之先君

立年及葬處皆當據秦紀為說與正史小有不同今取異說重列于後襄公秦仲孫莊公子救周周始命為諸侯初為西時祠白帝立十三年葬西土生文公文公立居西垂宮五十年

死葬西垂

索隱作廊時又作陳寶祠

生靜公靜公不享國而死生憲

公憲公享國十二年居西新邑死葬衙

集解駟案地理志馮翊有衙縣

索隱憲公滅蕩社居新邑葬衙本紀憲公徙居平陽葬西山

生武公德公出子出子

享國六年居西陵

索隱一云居西陵
葵衙本紀不云

庶長弗忌威累參

父三人率賊賊出子鄙衍葵衙武公立武公享國二十

年居平陽封宮

集解徐廣曰一
云居平封宮

葵宣陽聚東南

索隱紀
云葵平

陽初以
人從死

三庶長伏其罪德公立德公享國二年居雍大

鄭宮生宣公成公繆公葵陽初伏以御蠱

索隱二年
初伏本紀此已

下居葵絕
不言也

宣公享國十二年居陽宮葵陽

索隱四年
作密時

初

志閏月成公享國四年居雍之宮

集解徐廣曰
之一作走

葵陽齊

伐山戎孤竹繆公享國三十九年天子致霸葵雍繆公

學著人

索隱著音貯又音宁著即宁也門屏之間曰宁謂學于宁門之人故詩云俟我于著乎而是也

生康公康公享國十二年居雍高寢葬訇社生共公共

公享國五年居雍高寢葬康公南生桓公桓公享國二

十七年居雍太寢葬義里丘北生景公

索隱一作僖公系本云名后伯

車景公享國四十年居雍高寢葬丘里南

正義丘一作二也生

畢公

集解徐廣曰春秋作哀公

畢公享國三十六年

正義一作三十七年

葬車

里北生夷公夷公不享國死葬左宮生惠公

正義十年葬車里元

年孔子行魯相事

惠公享國十年葬車里康景生悼公悼公享

國十五年

正義雍正本紀作十四年

葬僖公西城雍生刺

正義一作利

龔

公

索隱一作厲共公

刺龔公享國三十四年葬入里

集解徐廣曰一作人

生躁公

索隱又作趙公正義十四年居受寢葬悼公南也

懷公

正義四年葬櫟園氏

其十

年彗星見躁公享國十四年居受寢葬悼公南其元年

彗星見

集解徐廣曰年表云星晝見

懷公從晉來享國四年葬櫟園

氏生靈公諸臣圍懷公懷公自殺肅靈公昭子子也

集解

徐廣曰懷公生昭子昭子生靈公索隱紀年及系本無肅字立十年表同紀十二年

居涇陽享國

十年葬悼公西生簡公簡公從晉來享國十五年葬僖

公西

索隱按本紀簡公名悼子即刺龔公之子懷公弟也且紀及系本皆以為然今此文云靈公謬也立

十六年

生惠公其七年百姓初帶劍惠公享國十三

僖公西

年葬陵圉

索隱王劬按紀年云簡公後次敬公敬公立十三年乃至惠公辭即難憑時參異說生

出公出公享國二年

索隱系本謂少主

出公自殺葬雍獻公享

國二十三年

集解徐廣曰靈公子索隱系本稱元獻公立二十二年表同紀二十四年

葬囿

圉生孝公孝公享國二十四年

索隱本紀十二年

葬弟圉生惠

文王其十三年始都咸陽

正義本紀云十二年作咸陽築冀關是十三年始都之

惠文王享國二十七年

索隱十九而立

葬公陵

正義括地志云秦惠文王陵在

雍州咸陽縣西
北一十四里

生悼武王悼武王享國四年葬永陵

集解

徐廣曰皇甫謐曰葬畢今安陵西畢陌索隱系本作武烈王十九而立立三年本紀曰四年正義括地志云秦

悼武王陵在雍州咸陽縣西
十里俗名周武王陵非也

昭襄王享國五十六年葬

芷陽

索隱十九年而立葬芷陵也正義括地志云秦莊襄王陵在雍州新豐縣西南三十五里俗亦謂為

子楚始皇陵在北故亦謂為見子陵

生孝文王孝文王享國一年葬壽陵

生莊襄王莊襄王享國三年葬芷陽生始皇帝呂不韋

相獻公立七年初行為市十年為戶籍相伍孝公立十

六年時桃李冬華惠文王生十九年而立立二年初行

錢有新生嬰兒曰秦且王悼武王生十九年而立立三

年渭水赤三日昭襄王生十九年而立立四年初為田

開阡陌孝文王生五十三年而立莊襄王生三十二年

而立立二年取太原地莊襄王元年大赦修先王功臣

施德厚骨肉布惠於民東周與諸侯謀秦秦使相國不

韋誅之盡入其國秦不絕其祀以陽人地賜周君奉其

祭祀始皇享國三十七年葬酈邑

正義酈邑力知反

生二世皇帝

始皇生十三年而立二世皇帝享國三年葬宜春

正義括地

志云秦故胡亥陵在雍州萬年縣南三十四里上文葬以黔首也

趙高為丞相安武侯

二世生十二年而立

集解徐廣曰本紀云二十一

右秦襄公至二世

六百一十歲

正義秦本紀自襄公至二世五百七十六年矣年表自襄公至二世五百六十一年

三說並不同未知孰是

孝明皇帝十七年十月十五日乙丑日

索隱此已下是漢孝明帝

訪班固評賈馬贊中論秦二世亡天下之得失後人因取其說附之此末

周歷已移

正義初

卜世三十卜年七百以五序得其道故王至三十七歲至八百六十七應數既過秦并天下是周歷已移

也

仁不代母秦直其位

索隱周歷已移周亡也仁不代母謂周得木德木生火周

為漢母也言歷運之道仁恩之情子不代母而王謂
火不代木言漢不合即代周也秦值其閏位得在木
火之間也此論者之辭也正義始皇以為周火德秦
代周從所不勝為水德之始也按周木德也秦水德
也五行之運水生木木生火火生土土生金金生水
所生者為母出者為子帝王之次子代母秦稱水是
母代子故言若有德之君相代不母承其子直
音值言秦并天下稱帝是秦德值帝王之位 呂政

殘虐然以諸侯十三

集解駟案始皇初為秦王年十三也索隱呂政者始皇名政是

呂不韋辛姬有娠獻莊襄王而生始皇故云呂政

并兼天下極情縱欲養育

宗親三十七年兵無所不制作政令施于後王

正義

謂置郡縣壞井田開阡陌不立侯王始為伏臘又置丞相太尉御史大夫奉常郎中令僕射廷尉典客宗

正少府中尉將作詹事水衡都尉監守
縣令丞等皆施于後王至于隋唐矣

盖得聖人之

威河神授圖

正義蓋者疑辭也言始皇之威能吞并天下稱帝疑得聖人之威靈河神之圖

錄

據狼狐蹈參伐佐攻驅除

正義狼音郎狼狐主弓矢星天官書云參伐主

斬艾事言秦據蹈狼狐參伐之氣驅滅天下

距之稱始皇

正義距音巨之至也

始皇

既歿胡亥極愚酈山未畢復作阿房以遂前策云凡

所為貴有天下者肆意極欲大臣至欲罷先君所為

誅斯去疾任用趙高痛哉言乎人頭畜鳴

正義畜許又反言胡

亥人身有頭面口能言語不辨好惡若六畜之鳴

不威不伐惡

正義此五字為一句也

不篤不虛亡

正義言胡亥藉帝王之威器殘酷暴虐滋已惡惡既深篤以至滅亡豈其虛哉

距之不得留殘虐以促期雖居形便之國猶不得存

子嬰度次得嗣冠

正義音綰

王冠佩華紱

正義音拂

車黃屋

集解

蔡邕曰黃屋者蓋以黃為裏

從百司

正義才用反

謁七廟小人乘非位

莫不怱忽失守偷安日日獨能長念却慮父子作權

近取于戶牖之間竟誅猾臣為君討賊高死之後賓

婚未得盡相勞餐未及下咽酒未及濡脣楚兵已屠

關中真人翔霸上素車嬰組奉其符璽以歸帝者鄭

伯茅旌鸞刀嚴王退舍

集解駢案公羊傳曰楚莊王伐鄭鄭伯肉袒左執茅旌右

執鸞刀以逆莊王莊王退舍七里何休曰茅旌鸞刀祭祀宗廟所用也執宗廟器者示以宗廟血食自歸

正義旌音莊

河決不可復壅魚爛不可復全

索隱宋均曰言如魚

之爛從內而出

賈誼司馬遷曰向使嬰有庸主之才僅得中

佐山東雖亂秦之地可全而有宗廟之祀未當絕也

秦之積衰天下土崩瓦解雖有周旦之材無所復陳

其巧而以責一日之孤

正義曰音駢一曰之孤謂子嬰

誤哉俗傳秦

始皇起罪惡胡亥極得其理矣復責小子

正義亦謂子嬰

云

秦地可全所謂不通時變者矣紀季以鄆春秋不名

集解駟案春秋曰紀季以鄆入于齊公羊傳曰何以不名賢之也謂設五廟以存姑姊妹也正義鄆音戶圭反括地志云安平城在青州臨淄縣東十九里古紀之鄆邑帝王紀云周之紀國姜姓也紀侯諡齊哀公于周懿王王烹之外傳曰紀侯入為周士竹書云齊襄公滅紀邢鄆部又括地志云邢城在青州臨朐縣東三十里鄆城在北海縣東北七十里部城在密州安丘縣界邢音駢鄆音訾按秦始皇起罪惡胡亥極得其理國既崩絕箕子比干尚不能存殷庸主子嬰焉能救秦之敗以賈誼史遷不通時變不如紀季之深識也季紀侯少弟不書名故曰紀季

吾讀秦紀至于子嬰車裂趙高

未嘗不健其決憐其志嬰死生之義備矣

集解徐廣曰班固典

引曰永平十七年詔問臣固太史遷贊語中寧有非邪臣對賈誼言子嬰得中佐秦未絕也此言非是臣素知之耳

索隱述贊曰六國陵替二周淪亡并一天下號為始皇阿房雲構金狄成行南遊勒石東瞰浮梁瀉池見遺沙丘告喪二世矯制趙高是與詐因指鹿災生噬虎子嬰見推恩報君父下之中佐上乃庸主欲振頹綱云誰克補

史記卷六

史記卷六考證

秦始皇本紀蒙驁攻韓取十三城○六國年表云取十二城

六年韓魏趙衛楚共擊秦取壽陵○趙世家悼襄王元年龐煖將趙楚魏燕之銳師攻秦叢不拔徐廣曰叢在新豐今此云取壽陵所將之師一作衛一作燕亦不同

其君角率其支屬徙居野王○六國年表衛君角以始

皇十八年立此是衛元君十二年不名角

死屯留正義漢屯留吁國也○漢屯疑春秋二字之誤
將軍壁死正義壁邊覓反言成蟜自殺壁壘之內○徐
孚遠曰上言成蟜死屯留矣此又言將軍壁死注作
壁壘恐非是壁者疑是成蟜副將名壁蟜死壁不歸
故又戮其士卒也

臣照

按徐孚遠駁正義謂將軍壁

死非成蟜自殺於壁壘之內是也顧謂疑是蟜副將
名壁則似不應叙在遷其民於臨洮之下或是將軍

壁討成蟜而死所將屯留蒲鶮之卒死者盡以反罪罪之而戮其屍耳

攻魏垣蒲陽正義蒲邑故城在隰州縣北四十五里○縣字上疑脫蒲字

己酉王冠集解徐廣曰年二十二正義按年二十有一也○臣世駿按徐廣云二十二者以踰年改元計也

正義云二十一者以當年改元計也徐廣以是年為二十二故三十七年崩時注云年五十如正義之說

則崩年止四十九六國表周赧王五十九年秦昭王
五十一年徐廣曰乙巳則始皇生年當是壬寅十三
歲時當是甲寅項羽本紀注徐廣曰項王以始皇十
五年乙巳歲生則始皇元年當是乙卯此處自當以
踰年改元計作二十二歲為是但秦本紀云獻公立
二十四年卒子孝公立徐廣曰獻公元年丁酉孝公
元年庚申則獻之末即孝之初又不拘踰年改元之
說矣

矯王御璽正義梁傳至天正二年侯景破梁○臣照按

梁無天正年號侯景破梁為簡文帝大寶元年則天正是大寶二字之誤

與韓非謀弱秦○徐孚遠曰韓非韓公子以不用於韓欲干秦王其後使秦為李斯所譖死今云謀弱秦非也疑即李斯譖非之辭載於秦史記耳

十四年攻趙軍於平陽取宜安破之殺其將軍桓齮定平陽武城○趙世家趙遷三年秦攻赤麗宜安李牧

率師與戰肥下却之李牧傳趙乃以牧為大將軍擊秦軍於宜安大破秦軍走秦將桓齮與此齟齬

不用兵革正義協韵音棘○革與棘古通不必協也詩匪棘其欲禮記作匪革

既已齊人徐市等上書○何孟春曰徐市又作徐福非有兩名市乃古黻字漢時未有翻切但以聲相近字音注其下後人讀市作市廛字故疑福為別名

始皇還過彭城齊戒禱祠欲出周鼎泗水使千人没水

求之弗得。○困學紀聞曰：周本紀：秦取九鼎寶器而遷西周君於黽狐。秦始皇本紀：還過彭城，齋戒禱祠，欲出周鼎，泗水使千人沒水求之，弗得。滴水李氏曰：是時泗水在彭城宋之分九鼎，何緣而至宋？夫取九鼎者，秦昭襄王也；始皇乃莊襄之子也。世數年，歲相去不遠。始皇東游過彭城，於泗水欲出周鼎，竟不得。兩說抵牾如此。

博浪沙中。○浪一本作狼，注同。

逢盜蘭池正義秦記云始皇都長安○秦記本名三秦記或本作三秦記而脫三字

夜過華陰平舒道正義水經注云又東經平舒北○水經注作平舒城北

三十有七年親巡天下周覽遠方○容齋隨筆曰今人書二十字為廿十字為卅四十為冊皆說文本字也廿音入二十并也卅音先合反三十之省便古文也冊音先立反數名今直以為四十字按秦始皇凡

石刻頌德之辭皆四字一句泰山辭曰皇帝臨位二十有六年琅瑯臺頌曰維二十六年皇帝始作之罘頌曰維二十九年時在中春東觀頌曰維二十九年皇帝春游會稽頌曰德會修長三十有七年此史記所載每稱年者輒五字一句嘗得泰山辭石本乃書為廿有六年想其餘皆如是而太史公誤易之或後人傳寫之訛耳其實四字句也

樹草木以象山正義取大石於渭山諸山○渭山山字

疑有誤或是城字或是水字

擊趙王歇等於鉅鹿正義離圍趙王歇卽此城○離上
宜有王字

雖監門之養不敵於此○余有丁曰敵當作獬訓為粗
公羊傳曰獬者曰侵精者曰伐

秦孝公據殽函之固○困學紀聞曰春秋時殽桃林晉
地非秦有也

陳軫索隱陳軫夏人○

臣照

按陳軫夏人雖本國策語

但鮑彪注曰夏中國也然則固不可以為國名而注陳軫為夏人矣

兒良王廖索隱春秋曰王廖貴先兒良貴後○二語出呂氏春秋蓋春秋上脫呂氏二字

逡遁逃○金石文字記曰逡巡遁逃之異文也管子桓公蹵然逡遁漢書平當傳贊逡遁有恥叙傳逡遁致仕周禮司士注王揖之皆逡遁既復位儀禮士昏禮大射禮公食大夫禮注辟逡遁鄉射禮注少退少

逡遁也聘禮注辟位逡遁又三退三逡遁也又辟位
逡遁又辟於其東西位逡遁也又退為大夫降逡遁
士喪禮注辟逡遁辟位也特牲饋食禮注辟位逡遁
禮記玉藻注俛逡遁而退著屨也皆同此文則隸釋
以為讀如本字者非也又按晏子春秋晏子逡遁對
曰漢書萬章傳章逡遁循甚懼外戚傳逡遁固讓遁又
作循爾雅釋詁注循亦巡也集古以為當作循者是
也遁與循同說文彳之字亦或從辵如往為逌後為

逡役為遡之類從辵之字亦或從辵如遡如徂逡為
征逆為叛之類漢書王莽傳後儉隆約以矯世俗師
古曰後音千旬反即逡字也逡之為後猶循之為遁
耳

吞二周而亡諸侯○宜齋野乘曰賈誼過秦論言始皇
吞二周而亡諸侯按秦昭王五十一年滅西周其後
七年莊襄王滅東周四年莊襄王卒始皇方即位則
吞二周乃始皇之曾祖與父非始皇也

以養四海天下之士○新書作以四海養天下之士
是其所以取之守之者異也○余有丁曰賈書作是其
所以取之文意甚明史添守之者異四字似誤

生憲公○余有丁曰憲公秦紀作寧公葬西山

葬車里康景○凌稚隆曰康景二字疑衍或下有闕文
按秦紀及此紀無僖公疑即景公也

悼公享國十五年正義雍本紀作十四年○雍衍文不
然宜云葬雍落葬字

二世生十二年而立○徐孚遠曰二世未立時已習法律及立後恣行不義當已在成人之年矣此云生十二年而立非實也

孝明皇帝十七年以下○

臣照

按此班固典引之文後

人書於本紀之後裴駙等亦作注解遂混入史記中今低刻一字以別之至賈生過秦論三篇馬遷全錄之似亦後人所增入恐馬遷本文亦止善哉乎賈生推言之也一句耳

史記卷六考證

謹案第三頁前二行索隱三邑名刊本三訛二據
毛本索隱改

第四頁後一行魚蟲之孽刊本魚訛豕據漢書五
行志改

第十七頁前五行王孟塞鷄頭即此也刊本孟訛
莽據漢書改又原州平高縣刊本脫平字據唐
書地理志增

第二十一頁前三行索隱爵卑於列侯一段刊本

訛在下建字之下今改正

第二十三頁前二行少習商縣武關也刊本脫少
字據左傳注增

第三十三頁前五行舒州同安縣刊本同訛周據
唐書地理志改

第三十五頁前七行正義即成山也刊本脫成字
今增

第五十八頁前四行正義括地志云秦莊襄王陵

一段當在下莊襄王葬葆陽之下誤移於此

第五十九頁後一行二行得在木火之間也刊本
脫火字今增

考證第二頁前五行己酉王冠己刊本作乙誤今
據本文改

第八頁前四行孝明皇帝十七年刊本孝訛考今
改





總校官庶吉士臣侍朝

校對官檢討臣王鍾健

謄錄監生臣劉復善